

**TULAFONO TAU FAAOFI O TEUTEUGA O LE
TULAFONO O LE OFISA AUTU O MATAUPU
FAALETULAFONO MO TAGATA LAUTELE 2019**

SAMOA

Faamatalaga e Faamalamalama ai

1.0 Sini ma mafuaaga:

1.1 O lenei Tulafono Tau Faaofi ua talosagaina ai le teuteuina o le Tulafono o le Ofisa Autu o Mataupu Faaletulafono mo Tagata Lautele 2015 e suia ai le igoa o lē o umia le tofi mai le “Loia Faufautua” i le “Loia mo Tagata Lautele”.

Ua faamoemoe foi le Tulafono Tau Faaofi e faatapulaa galuega a le Loia mo Tagata Lautele i mo na o le avea ai ma sui o tagata solitulafono matuia i totonu o le Faamasinoga.


Fuaiupu:

Fuaiupu 1: - ua aiaia ai mo le igoa puupuu ma le amataga o le Tulafono Tau Faaofi.

Fuaiupu 2: - ua aiaia ai mo le teuteuga i le fuaiupu 4 o le Tulafono autu; lea ua teuteuina ai le fuaiupu 4(1) e ala i le suia i se faafuaiupu fou.

Fuaiupu 3: - ua aiaia ai mo teuteuga o le fuaiupu 6 o le Tulafono autu lea ua soloia ai le fuaiupu 6(2).

Fuaiupu 4: - ua aiaia ai mo teuteuga o le fuaiupu 11 o le Tulafono autu e ala i le suia o le igoa o le “Loia Faufautua” i le Loia mo Tagata Lautele”.



(Hon FAAOLESA Katopau T. Ainuu)

MINISITA MO LE FAAMASINOGA
MA PULEGA TAU FAAMASINOGA

**TULAFONO TAU FAAOFI O TEUTEUGA O LE
TULAFONO O LE OFISA AUTU O MATAUPU
FAALETULAFONO MO TAGATA LAUTELE 2019**

SAMOA

Faatulagaina o Aiaiga

1. Igoa puupuu ma le amataga
2. Ua teuteuina le fuaiupu 4
3. Ua teuteuina le fuaiupu 6
4. Ua teuteuina le fuaiupu 11

2019, Nu.

O SE TULAFONO TAU FAAOFI UA TAU

O SE TULAFONO e teuteu ai le Tulafono o le Ofisa Autu o Mataupu Faaletulafono mo Tagata Lautele 2015 (“Tulafono autu”) ma faamoemoega e fesootai i ai.

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

E mafai ona taua lenei Tulafono o le Tulafono o Teuteuga o le Tulafono o le Ofisa Autu o Mataupu Faaletulafono mo Tagata Lautele 2019 ma e amata faamamaluina i se aso e filifilia e le Minisita.

2. Ua teuteuina le fuaiupu 4:

Ua teuteuina le fuaiupu 4(1) o le Tulafono autu e ala i le suia e faapea:

“(1) I le noatia ma le fai fuafua i le fuaiupu 6, o galuega tauave a le Ofisa Autu o le tuuina atu lea o fesoasoani faaletulafono i tagata ua agavaa i ai i se Faamasinoga, mo mataupu tau solitulafono.”.

3. Ua teuteuina le fuaiupu 6:

Ua soloia le fuaiupu 6(2) o le Tulafono autu.

4. Ua teuteuina le fuaiupu 11:

(1) Ua teuteuina le fuaiupu 11 o le Tulafono autu e ala i le suia o le upu “Loia Faufautua” i so o se mea o aliali mai ai i le upu “Loia mo Tagata Lautele”.

(2) O faasinomaga uma o i totonu o le Tulafono autu ua faia i le “Loia Faufautua” po o “o Loia Faufautua” e ao ona suia i le faaupuga “Loia mo Tagata Lautele” po o “o Loia mo Tagata Lautele” i lena faasologa.
